

Sarajevo, 06-04-2020

Broj: 01-11-3-16541

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta Kliničkog centra Univerziteta u Sarajevu, Pravilnika o javnim nabavkama Kliničkog centra Univerziteta u Sarajevu, na prijedlog Komisije za javne nabavke (br. Izvještaja Komisije 10-33-4-15970 od 02.04.2020 godine), Generalna direktorica donosi:

IZMJENA I DOPUNA ODLUKE

o rezultatima okončanog postupka javne nabavke, putem otvorenog postupka, a koji se odnosi na javnu nabavku „Medicinska sredstva I/37/2019 – Specifični materijal za potrebe Klinike za bolesti srca, krvnih žila i reumatizam KCUS-a“

I

Prihvata se preporuka o izboru najpovoljnijih ponuđača Komisije za javne nabavke i okvirni sporazumi za nabavku „Medicinska sredstva I/37/2019 – Specifični materijal za potrebe Klinike za bolesti srca, krvnih žila i reumatizam KCUS-a“ koji se dodjeljuje ponuđaču:

„SHIMADZU“doo

Za LOT 34 prema ponudi broj 03-06-1469 od 10.01.2020 godine.

II

Postupak javne nabavke za LOT 40 se poništava u skladu sa članom 69. Stav 2. tačka d) „nijedna od primljenih ponuda nije prihvatljiva“.

III

Prijedlog okvirnog sporazuma dostavit će se na potpis izabranom ponuđaču najkasnije u roku od 10 dana, računajući od dana kada u svi ponuđači obaviješteni o izboru najpovoljnije ponude.

IV

Obavezuje se ponuđač iz člana 1. ove Odluke da u roku od 7 (sedam) dana od prijema ove Odluke dostave dokumente navedene u tenderskoj dokumentaciji na centralni protokol ugovornog organa, sa obaveznom naznakom broja obavještenja na koji se isti odnose. Ukoliko su isti sastavni dio dostavljene ponude o istom obavezan je pismenim putem obavjestiti Ugovorni organ.

U slučaju da izabrani ponuđač propusti da dostavi dokaze o kvalificiranosti u navedenom roku ili dostavi neprihvatljive dokaze ova Odluka će se poništiti.

V

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Stav 2. Zakona o javnim nabavkama.

Marko Marković
Gen. Dir. JCU

OBRAZLOŽENJE

Izmjena i dopuna izvještaja se odnosi na LOT-ove: 7,14,23,24,29,34,45,40,41 i 42.

Na Odluku o rezultatima okončanog otvorenog postupka javne nabavke a koja se odnosi na javnu nabavku „Medicinska sredstva I/37/2019 – Specifični materijal za potrebe klinike za bolesti srca, krvnih žila i reumatizma“ dostavljene su žalbe ponuđača: Interpromet d.o.o. Novi Grad (Žalba broj 60-11-3-13746 od 16.03.2020. godine) i Shimadzu d.o.o. (Žalba broj 60-11-3-14666 od 20.03.2020. godine).

Predmetne žalbe su blagovremene, dozvoljene i izjavljene od strane ovlaštenog lica.

Nakon uvida u sadržaj žalbe, kao i u naknadni uvid u tendersku dokumentaciju ponuđača Interpromet d.o.o., Komisija je utvrdila da je ista osnovana i opravdana, te se u potpunosti uvažava, iz razloga kako slijedi:

U tenderskoj dokumentaciji pod tačkom 4.4. *Ostali uslovi za kvalifikaciju, tačka a), propisan je uslov „Ovjerena izjava o posjedovanju zaključenih ugovora sa proizvođačima ponuđenih medicinskih sredstava, odnosno ovlaštenim zastupnicima proizvođača u BiH i pismo autorizacije proizvođača (original ili ovjerena kopija)“.* Ispod citirane odredbe slijedi napomena koja sadrži 4 (četiri) alineje, koje se odnose na citiranu odredbu i koje detaljnije uređuju istu, a koje glase :

- *Izjavu o posjedovanju zaključenih ugovora sa proizvođačima ponuđenih medicinskih sredstava odnosno ovlaštenim zastupnicima proizvođača u BiH, daje ponuđač u slobodnoj formi;*
- *Ponuđač dostavlja autorizaciju izdatu od strane proizvođača ili od strane ovlaštenog zastupnika proizvođača. Ukoliko ponuđač dostavi autorizaciju izdatu od strane ovlaštenih zastupnika proizvođača za BiH dužan je da dostavi dokaz da zastupništvo ima ovlaštenje od strane proizvođača da daje autorizaciju za učešće u postupku;*
- *Ukoliko ponuđač dostavi pismo autorizacije na način da je na jednom listu autorizacija na stranom jeziku i prevod istog na jednom od jezika BiH neophodno je da dokument bude ovjeren od strane sudskog tumača;*
- *Ukoliko ponuđač dostavi pismo autorizacije na stranom jeziku prijevod istog mora biti ovjeren od strane sudskog tumača.*

Komisija je ponuđača Interpromet d.o.o. odbila, odnosno diskvalifikovala iz razloga što dostavljena ponuda ne ispunjava osnovne formalnopravne uslove predviđene tenderskom dokumentacijom tj. što je dostavljena autorizacija proizvođača Boston Scientific International B.V. sastavljena na engleskom jeziku a nije dostavljen prevod istog, kako je to propisano u alineji 4 tačke 4.4. pod a) Tenderske dokumentacije.

Nakon uvida u sadržaj žalbe ponuđača Interpromet d.o.o., Komisija je uvidjela da je došlo do previda prilikom ocjene formalnopravne ispravnosti ponude, jer je ista akt sastavljen na engleskom jeziku na stranici 73 dostavljene tenderske dokumentacije ponuđača Interpromet d.o.o. smatrala pismom autorizacije proizvođača uz kojeg je obavezno dostaviti i prevod ovjeren od strane sudskog tumača. Međutim, navedeni akt je ustvari dokaz da zastupništvo ima ovlaštenje od strane proizvođača da daje autorizaciju za učešće u postupku, za kojeg, kako je to propisano u alineji 2 napomena tačke 4.4. pod a), nije predviđena obaveza dostavljanja u originalu niti dostavljanja prevoda u slučaju da isti nije sastavljen na jednom od službenih jezika koji se koriste u BiH. Ponuđač Interpromet d.o.o. je dostavio pismo autorizacije na jednom od službenih jezika koji se koriste u BiH, kao ovlašteni zastupnik uz dostavljanje dokaza o tome kako je to iznad opisano, što je u skladu sa alinejom 2 napomena tačke 4.4. pod a).

Marko M. M. M. M.

S obzirom da je Komisija odbila ponudu ponuđača Interpromet d.o.o. kao formalnopravno neurednu ista se u ovom postupku nije dalje i detaljno upuštala u ocjenu ispunjavanja ostalih uslova za kvalifikaciju od strane imenovanog ponuđača.

Predmetni postupak za LOT-ove na koje se žalba odnosi se vratio u raniju fazu (LOT-ovi 7,14,23,24,29 i 45), omogućilo se učešće ponuđača Interpromet d.o.o., što je ranije bilo propušteno, te se u skladu sa rezultatima ponovnog postupka sačinila izmjena i dopuna Izvještaja.

Nakon uvida u sadržaj žalbe, kao i u naknadni uvid u tendersku dokumentaciju ponuđača SHIMADZU d.o.o. Komisija je utvrdila da je ista djelomično osnovana i to u dijelu koji se odnosi na LOT 34 – *Set za inflaciju sa manometrom za koronarni balon kateter super visokog pritiska*, te se u tom dijelu uvažava, dok je u dijelu koji se odnosi na LOT 41 – *Sterilini zaštitni setovi iz invazivne procedure (radijalni pristup)* i LOT 42 - *Sterilini zaštitni setovi iz invazivne procedure (femoralni pristup)* neosnovana, te se u odnosu na navedene LOT-ove odbacuje.

Kada je u pitanju LOT 34 - *Set za inflaciju sa manometrom za koronarni balon kateter super visokog pritiska*, žalba se u potpunosti uvažava iz razloga što je Komisija učinila previd u dijelu koji se odnosi na karakteristike ponuđenih medicinskih sredstava od strane ponuđača Omnia Medic d.o.o. i Medical Vision d.o.o., s obzirom da su isti ponudili setove za inflaciju koji su radnog tlaka do 30 atm, a u Anex-u 3 Tenderske dokumentacije u okviru zahtjeva iz tehničke specifikacije za taj LOT zahtjevano je kako slijedi : „*Set za inflaciju manometrom – ergonomskog oblika, kapaciteta do 20 cc i radnog tlaka do 40 atm i 55 atm*“.

Ponuđač Shimadzu d.o.o. je jedini od svih ponuđača za ovaj LOT ponudio setove za inflaciju striktno i isključivo kako je to propisano u uslovima u Anex-u 3 Tenderske dokumentacije, radnog tlaka do 40 atm i 55 atm kumulativno sa kataloškim brojevima za setove sa radnim tlakom do 40 atm i 55 atm odvojeno, kako je to i traženo Tenderskom dokumentacijom.

Ponuđači Omnia Medic d.o.o. i Medical Vision d.o.o. su zajedno sa ponuđačem Shimadzu d.o.o., usljed navedenog previda Komisije, učestvovali u e-aukciji te time doprinijeli spuštanju početne ponudene cijene ponuđača Shimadzu d.o.o., iako isti nisu ispunjavali uslove za učešće na navedenoj e-aukciji, zbog čega se žalba za LOT 34 uvažava.

Za LOT-ove 41 - *Sterilini zaštitni setovi iz invazivne procedure (radijalni pristup)*, i 42 - *Sterilini zaštitni setovi iz invazivne procedure (femoralni pristup)* ponuđač Shimadzu d.o.o. se u žalbi prije svega poziva na povredu odredbi člana 45. Stav 5. i 6. Zakona o javnim nabavkama, pozivajući se na činjenicu da je ponuđač Adrialine d.o.o. kod KCUS-a kao ugovornog organa imao ozbiljno kršenje obaveza prilikom ispunjenja ugovora što je rezultiralo raskidanjem Ugovora sa ponuđačem „Adrialine“ d.o.o., odnosno Okvirni sporazum za nabavku medicinskih sredstava i specifičnog materijala.

Ponuđač Adrialine d.o.o. je dostavio ponude isključivo za one LOT-ove odnosno medicinska sredstva koja nisu bila sastavni dio ugovora koji je, kako je iznad opisano, raskinut zbog obaveza kršenja.

Ponuđač Adrialine d.o.o. je toga bio svjestan prilikom učešća na ovom tenderu, što dokazuje i decidno koncipirana Izjava o neraskidanju ugovora (str. 77) koja glasi :

„*Ovim putem izjavljujemo da nije bilo raskida ugovora o isporuci Angiografskih setova/setova za invazivne procedure za radijalni i femoralni pristup, u posljednje dvije godine zbog neispunjenja ugovornih obaveza*“.

Komisija smatra da se ponuđač Adrialine ne može i ne treba po automatizmu diskvalifikovati zbog navedenog kršenja obaveza koje su dovele do raskidanja ugovora odnosno Okvirnog sporazuma, prije svega iz razloga što je ponudio medicinska sredstva, kako je to iznad navedeno, koja nisu bila sastavni dio raskinutog ugovora.

Urednik *Dr. sc. Dr. sc.*

Pored navedenog, kada je u pitanju ponuđač Adrialine d.o.o., u konkretnom slučaju se ne radi o „značajnim i/ili nedostacima koji se **ponavljaju u izvršenju bitnih zahtjeva ugovora koji su doveli do njegovog prijevremenog raskida, nastanka štete ili drugih sličnih posljedica zbog namjere ili nemara privrednog subjekta određene težine**“ (iz člana 45. Stav 5. ZJN), što bi predstavljalo otežavajuće okolnosti zbog kojih bi se ponuđač Adrialine d.o.o. morao diskvalifikovati.

Kada su u pitanju navodi žalbe koji se odnose na nepravilnu ocjenu ponuđača Adrialine d.o.o. u dijelu ocjene tehničke specifikacije, gdje se misli na nedostavljanje dokaza da su ponuđeni setovi proizvedeni u skladu sa Europskom normom EN 13795, Komisija iste odbacuje kao neosnovane iz razloga kako slijedi :

Ponuđač Adrialine d.o.o. je ponudio medicinska sredstva tj. setove proizvođača MHK MEDIKAL TEKSTIL SAN.TIC.LTD.STI, KORKUN MAHALLESİ HİDYET CADDESİ NO 23/1, OĞUZELİ, Turska, koja su registrovana u Agenciji za lijekove i medicinska sredstva BiH i za koje je Agencija, kao jedino nadležno i mjerodavno tijelo u državi, izdalo Potvrdu o registraciji br. 06-07.4-1-10960-1/18 od 21.08.2019. godine.

Navedena činjenica je potvrda da ponuđena medicinska sredstva ispunjavaju sve neophodne uslove koji su propisani za registraciju istih, što podrazumijeva i ispunjavanje Europskih normi EN 13795, te smatramo da Ugovorni organ u svakom slučaju nebi mogao imati ovlasti zahtjevati ispunjavanje uslova preko onih koji se traže od strane Agencije za lijekove i medicinska sredstva BiH.

Napominjemo da je za ponuđena medicinska sredstva/setove traženo dostavljanje uzoraka na koje je krajnji korisnik dostavio mišljenje da ponuđeni materijali zadovoljavaju kriterije koji su postavljeni u tenderskoj dokumentaciji, te da niti jedan ne treba isključiti/diskvalifikovati po tom osnovu.

Na osnovu svega navedenog, Komisija smatra da u provedenom postupku, kada su u pitanju LOT-ovi 41 i 42, nije ni u jednom trenutku postupala nejednako i diskriminirajuće niti u suprotnosti sa Zakonom o javnim nabavkama, te ista odbacuje žalbene navode kao neosnovane.

LOTOVI KOJI NISU PRIHVACENI

INTERPROMET d.o.o.

LOT 7 – Uvodnice I,

Obrazloženje:

1. Ponuđač Interpromet d.o.o. je ponudio medicinsko sredstvo proizvođača Togo Medikit Co, Japan, koje je kao takvo registrovano u Agenciji za lijekove i medicinska sredstva BiH (Potvrda Agencije br. 06-07.4-1-4241-5/18). S obzirom da je ponuđač Interpromet d.o.o. u tenderskoj dokumentaciji dostavio samo autorizaciju kao ovlaštenu zastupnik proizvođača Boston Scientific International B.V., dok za proizvođača ponuđenog medicinskog sredstva Togo Medikit Co autorizacija nije dostavljena, Komisija odbija ponuđača Interpromet d.o.o iz razloga navedenih u tački 4.4. Ostali uslovi za kvalifikaciju pod a) koja glasi „Ovjerena izjava o posjedovanju zaključenih ugovora sa proizvođačima ponuđenih medicinskih sredstava, odnosno ovlaštenim zastupnicima proizvođača u BiH i pismo autorizacije proizvođača (original ili ovjerena kopija).

Ponuđač dostavlja autorizaciju izdatu od strane proizvođača ili od strane ovlaštenog zastupnika proizvođača. Ukoliko ponuđač dostavi autorizaciju izdatu od strane ovlaštenih zastupnika proizvođača za BiH dužan je da dostavi dokaz da zastupništvo ima ovlaštenje od strane proizvođača da daje autorizaciju za učešće u postupku; (alineja 2 u napomenama).

2. Ponuđeni materijal u LOT-u 7 - Uvodnice I, ne odgovara traženom tenderskom specifikacijom te se kao takav nemože prihvatiti.

Uvodnice I *Interpromet d.o.o.*

Tenderskom specifikacijom traženo je :

- Za stavku br.5 tražena je Uvodnica 6F, dužine 23 cm, a ponuđena je Uvodnica 6F dužine 25 cm.
- Za stavku br.7 tražena je Uvodnica 7F, dužine 23 cm, a ponuđena je Uvodnica 7F, dužine 25 cm.

3. Jedinična cijena bez Pdv-a se razlikuje u pisanom dijelu Anex-a 3 u odnosu na CD te niti nijedna nije odgovarajuća kada se podijeli sa kolonom 4 anex-a 3 (potrebna količina) ili sa oblikom pakovanja ponuđenog materijala.

Iz svega navedenog Komisija ponudu za gore navedeni Lot nije prihvatila.

LOT 14 – Koronarni dilatacijski balon kateteri,

Obrazloženje:

Ponuđeni materijal u LOT-u 14 - Koronarni dilatacijski balon kateteri, ne odgovara traženom tj. nije u skladu traženom tenderskom specifikacijom te se kao takav nemože prihvatiti.

Tenderskom specifikacijom traženo je :

- Za stavku br.4 tražen je materijal promjera 2,75mm, dužine 9mm, a ponuđen je materijal promjera 2,70mm.
- Za stavku br.12 tražen je materijal promjera 2,75mm, dužine 12mm, a ponuđen je materijal promjera 2,70mm.
- Za stavku br.32 tražen je materijal promjera 2,75mm, dužine 20mm, a ponuđen je materijal promjera 2,70mm.

LOT 23 – Intrakoronarni stent sa otpuštanjem lijeka II,

U skladu sa Tenderskom dokumentacijom:

4. USLOVI ZA KVALIFIKACIJU

4.4. Ostali uslovi za kvalifikaciju

b.) Ponuđač je obavezan da dostavi potvrdu Agencije za lijekove i medicinska sredstva BiH o upisu ponuđenog medicinskog sredstva u registar medicinskih sredstava sa svim priložima

Ponuđeno medicinsko sredstvo koje se ne vodi u registru Agencije za lijekove i medicinska sredstva BiH, smatraće se prihvatljivim samo ukoliko ne postoji medicinsko sredstvo sa istim karakteristikama/ekvivalent/upisano u registar Agencije do zadnjeg dana označenog za dostavljanje ponuda.

Ukoliko se nudi medicinsko sredstvo koje se ne vodi u registru Agencije za lijekove i medicinska sredstva BiH, ponuđač je obavezan dostaviti uvjerenje o kvaliteti medicinskog sredstva koje se uvozi izdato od strane tijela ovlaštenog za potvrdu proizvođača (EC certifikat i/ili Declaration of conformity).

Napomena: Može se dostaviti kopija.

Za stavke koje ne podliježu registraciji potrebno je priložiti potvrdu izdatu od strane proizvođača ili Agencije za lijekove i medicinska sredstva BiH kojom se isto potvrđuje, te je takođe potrebno priložiti svu prateću dokumentaciju kojom se specificira ponuđeni proizvod (ekvivalent EC certifikatu i/ili

Ustav *Ustav*

Declaration of conformity/izvod iz kataloga sa tačno označenim kat.brojem/tehnički list ili slično).
Navedeno služi u svrhu dokazivanja karakteristika ponuđenog proizvoda.

Obrazloženje:

Prilikom analize ponude za Lot 23 -Intrakoronarni stent sa otpuštanjem lijeka II, utvrđeno je da ponudeni materijal (stavke pod rednim brojem 15,24,33 i 42 u Lot-u 23) se ne nalaze u dostavljenoj Potvrdi o upisu u registar Agencije za lijekove i medicinska sredstva BiH, niti je za iste dostavljen EC certifikat i/ili Declaration of conformity.

Obzirom da je drugi ponuđač dostavio ponudu za materijal koji se vodi u Registru Agencije za lijekove i medicinska sredstva BiH Komisija nije prihvatila ponudu ponuđača Interpromet d.o.o. za gore navedeni Lot.

LOT 24 – Koronarni stent sa otpuštanjem lijeka II,

Obrazloženje:

Dužina materijala u ponuđenom Lot-u ne odgovara traženoj dužini i to za stavke: 3,4,5,6,9,10,11,12,14,15,17,18,21,22,23,24,27,28,30,33,34,35 i 36.

Ponudu za gore navedeni Lot Komisija nije prihvatila.

Za LOT 29 – Uvodnice II,

Obrazloženje:

Ponuđač Interpromet d.o.o. je ponudio medicinsko sredstvo proizvođača Togo Medikit Co, Japan, koje je kao takvo registrovano u Agenciji za lijekove i medicinska sredstva BiH (Potvrda Agencije br. 06-07.4-1-4241-5/18). S obzirom da je ponuđač Interpromet d.o.o. u tenderskoj dokumentaciji dostavio samo autorizaciju kao ovlaštenu zastupnik proizvođača Boston Scientific International B.V., dok za proizvođača ponuđenog medicinskog sredstva Togo Medikit Co autorizacija nije dostavljena, Komisija odbija ponuđača Interpromet d.o.o iz razloga navedenih u tački 4.4. Ostali uslovi za kvalifikaciju pod a) koja glasi :

„Ovjerena izjava o posjedovanju zaključenih ugovora sa proizvođačima ponuđenih medicinskih sredstava, odnosno ovlaštenim zastupnicima proizvođača u BiH i pismo autorizacije proizvođača (original ili ovjerena kopija)“.

Ponuđač dostavlja autorizaciju izdatu od strane proizvođača ili od strane ovlaštenog zastupnika proizvođača. Ukoliko ponuđač dostavi autorizaciju izdatu od strane ovlaštenih zastupnika proizvođača za BiH dužan je da dostavi dokaz da zastupništvo ima ovlaštenje od strane proizvođača da daje autorizaciju za učešće u postupku; (alineja 2 u napomenama).

LOT 45 – Ekstenzije za kateter,

Obrazloženje:

Ponuđena vrijednost za navedeni LOT je veća u odnosu na procijenjenu vrijednost objavljenu na portalu E-nabavke. Za navedeni Lot se nije mogao provesti postupak E-aukcije jer nije bilo više kvalifikovanih ponuda.

Iz tog razloga ponuda za navedeni LOT se ne može prihvatiti u skladu sa Zakonom o javnim nabavkama Član 69 stav 2 tačka e. Tabelarni prikaz u nastavku.

Urednik *Šef uredništva*

Naziv LOT-a		Procijenjena vrijednost	Ponuđena vrijednost	Prekoračena vrijednost
LOT 45	Ekstenzije	6.000,00KM	19.637,15 KM	13.637,15KM

OMNIA MEDIC d.o.o.

LOT 34 Set za inflaciju sa manometrom za koθronarni balon kateter super visokog pritiska,

Obrazloženje:

Tenderskom dokumentacijom je tražen Set za inflaciju sa manometrom -ergonomskog oblika, kapaciteta do 20 cc i radnog tlaka do 40 atm i 55 atm, a ponuđeni su setovi za inflaciju koji su radnog tlaka do 30 atm.

Obzirom da je drugi ponuđač ponudio setove za inflaciju striktno i isključivo kako je to propisano u uslovima u Anex-u 3 Tenderske dokumentacije , radnog tlaka do 40 atm i 55 atm kumulativno sa kataloškim brojevima za setove sa radnim tlakom do 40 atm i 55 atm odvojeno, ponuda za gore navedeni Lot se nemože prihvatiti.

MEDICAL VISION d.o.o.

LOT 34 Set za inflaciju sa manometrom za koθronarni balon kateter super visokog pritiska,

Obrazloženje:

Tenderskom dokumentacijom je tražen Set za inflaciju sa manometrom -ergonomskog oblika, kapaciteta do 20 cc i radnog tlaka do 40 atm i 55 atm, a ponuđeni su setovi za inflaciju koji su radnog tlaka do 30 atm.

Obzirom da je drugi ponuđač ponudio setove za inflaciju striktno i isključivo kako je to propisano u uslovima u Anex-u 3 Tenderske dokumentacije , radnog tlaka do 40 atm i 55 atm kumulativno sa kataloškim brojevima za setove sa radnim tlakom do 40 atm i 55 atm odvojeno, ponuda za gore navedeni Lot se nemože prihvatiti.

FARMAVITA d.o.o.

LOT 40 - Koronarni dilatacijski balon hipotube dizajna,

Dana 27.03.2020 godine od strane ponuđača FARMAVITA d.o.o. dostavljeno je obavještenje koje se odnosi na LOT 40 - Koronarni dilatacijski balon hipotube dizajna, protokolirano pod brojem 10-33-4-15461. Ponuđač FARMAVITA d.o.o. u navedenom obavještenju je obrazložio da zbog novonastalih okolnosti odustaje od ponude za Lot 40.

LOT ZA KOJE NITI JEDNA DOSTAVLJENA PONUDA NIJE PRIHVATLJIVA (ZJN član 69 stav 2 pod d):

LOT 40 – Koronarni dilatacijski balon hipotube dizajna

*Urednik
Doktor
Doktor
Doktor*

REKAPITULACIJA

Ponudač		Ukupan iznos bez PDV-a	17% PDV-a	Ukupan iznos sa PDV-om
LOT 34	SHIMADZU d.o.o.	125.000,00	21.250,00	146.250,00
UKUPNO:		125.000,00	21.250,00	146.250,00

Ostali elementi Okvirnog sporazuma:

- Rok upotrebe ugovorenih materijala u vrijeme isporuke će biti najmanje 70% njihovog cjelokupnog roka upotrebe;
- Cijene su nepromijenjene za vrijeme trajanja okvirnog sporazuma;
- Okvirni sporazum se potpisuje na period od **dvadeset četiri mjeseca ili utroška ukupnih sredstava** na koje se ovaj sporazum zaključuje.

PRIJEDLOG KOMISIJE

Komisija predlaže da se okvirni sporazum za nabavku „Medicinska sredstva I/37/2019 – Specifični materijal za potrebe klinike za bolesti srca, krvnih žila i reumatizma“ dodijeli dobavljaču:

SHIMADZU d.o.o.

LOT 34 Set za inflaciju sa manometrom za koronarni balon kateter super visokog pritiska	vrijednost bez PDV-a:	125.000,00
	Ukupno bez PDV-a:	125.000,00
	+ PDV:	21.250,00
	Ukupno sa PDV-om:	146.250,00

- Rok isporuke traženog materijala 30 dana od prijema narudžbe;
- FCO skladište kupca O.J. Klinička apoteka KCUS-a;
- Odgođeno plaćanje 60 dana od ispostavljanja fakture;

Napomena:

Izmjena i dopuna Izvještaja odnosi se samo na Lot 34 – Set za inflaciju sa manometrom za koronarni balon kateter super visokog pritiska i Lot 40 - Koronarni dilatacijski balon hipotube dizajna dok Izvještaj broj 10-33-4-11058 od 28.02.2020 godine i Odluka o rezultatima broj 01-04-4-12136 od 06.03.2020 godine ostaju nepromjenjeni za sve Lot-ove predmetnog postupka.

Handwritten signatures and initials at the bottom of the page.

Na preporuku Komisije imenovane za predmetni postupak javne nabavke donijeta je Odluka kao u dispozitivu.



GENERALNA DIREKTORICA

Prof.dr. Sebsja Izetbegović

PRAVNA POUKA:

Svaki ponudač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama BiH („Službeni glasnik BiH“, broj 39/14) i/ili podzakonskih akata, ima pravo uložiti žalbu ugovornom organu u roku od 10 dana po prijemu Odluke o izboru, shodno Članu 99. i Članu 101. Zakona o javnim nabavkama BiH.

Handwritten signature